



BIBLIOTHECA
UNIV. JAGIELL.
CRACOVENSIS

379855

Mag. St. Dr.


DLI

1404




379855

III



EX LIBRIS

Super Bonis



ROMA

In Signatura Justitie Die
14. Julii. A. 1775. Responsa.

Cracovien. Exemptionis

Super Pertinentia Cause

Cidem Auditori Ro-
te una cum Monitorio
& tanquam in prima, etiam
cum facultate circumferen-
bendi.

4.

Rev. Pater.

INCLYTUS ORDO RR. DD. Ca-
nonicorum Regularium Custodum

SS. Sepulchri Hierosolymitani suam desumens institutionem
ab ipsomet Apostolo S. Jacobo, Sæculo ineunte decimo pri-
mo deductus fuit a Hierosolyma in Poloniam a celeberrimo
Principe Jaxa Criphio, eoque tunc in sua Villa, nunc
Oppido, seu Civitate *Miechovia* fundata fuit Ecclesia, &
Cænobium, inde dictum *Miechoviense*, ut narrant *Gro-
mer. de reb. gest. Polon. lib. 6.*; Verum destructa Hierosoly-
ma, summa Ordinis præfati, qui per universam Europam
diffusus erat, refugium habuit ad Cænobium *Miechoviense*,
ejusque *Præpositum* uti cæterorum omnium Conventuum Ca-
put, Patrem, & Superiorem agnovit, velut eradite tradit
Joann. Dlugos. Histor. Polon. ad Ann. Christi 1162. fol.
mibi 450. ibi = Quod quidem CÆNOBIUM DE MIE-
CHOVIA propter sui excellentiam, ac vetustatem non so-
lum omnium Cænobiorum sue generationis, & Ordinis,
quæ in Regnis Poloniae extant, sed etiam omnium, quæ in
Galliis, Hispaniis &c. consistunt, potest jure, & recte
vocitari, & censeri Vertex, Cardo, & Caput, cum omnia
ab hoc uno Originem acceperint, & generationem &c., CUI
etiam omnia Monasteria Ordinis præfati in Polonia, Hun-
garia &c. Regnis consistentia SUBSUNT, PARENT, &
OBEDIUNT, à Præposito Miechoviensi provisiones, & in-
stitutiones, destitutionesque Locorum, & Charismati
suscipiunt.

- 2 Lepidissima autem Fabella est, quam in principio musitat
contraria Commissio de ass. suppressione Ordinis nostri facta sæ-
culo XIV. ab Innocentio PP. VIII.; Etenim suppressio
illa, quæ ultra se non porrexit, quam ad Ecclesias, & Con-
ventuales Domus existentes in Italia, & ulteriori Sicilia,
ecum opportune explicat *Gabr. Pennor. in histor. tripartit.*
lib. 2. cap. 67., suppressio, inquam, illa nil quidquam detri-
menti attulit integritati, & juribus Ordinis nostri in Regnis
Poloniae, imo successorum Pontificum singularibus gratiis,
& favoribus perpetuo ditatum Ordinem nostrum in Polonia
floruisse, & in sua observantia tranquille conservatum fuisse
disertius testatur *Samuel Nakielski de antiquit., & Stat.*
Ordinis S. Sepulchri pag. mibi 552. ibi = Consequentium
tamen Summorum Pontificum singulari gratia, & favore in
aliis Christiani Orbis Partibus, utpote in Germania, Bo-
hemia

*hemia, Ungaria, POLONIA, & alibi IDEM ORDO IN
SUA OBSERVANTIA TRANQUILLE CONSERVATUS
ESSE NOSCITUR.*

3. Inter ampliora verò *privilegia, gratias, & favores*, quibus Ordo hic noster a Supremis Ecclesiæ Pastoribus merito fuit decoratus, specialius privilegium à primæva sua fundatione quæsitum illud est, quod *totaliter, & in perpetuum* declaratus fuerit *exemptus a quavis Episcoporum jurisdictione, dominio, & potestate*. Vetusioribus quippe omissis Celestini II., Innocentii III., Urbani IV., aliorumque Pontificum Bullis, recolendæ memoriæ est LEO Papa X., qui anno 1520., sicque longe post figuratam suppressionem Innocentii, non modo *Præpositum, & Fratres Domus S. Sepulchri de Miechovia, & omnia ipsius membra in Polonia Regnis existentia ab omni jurisdictione, potestate, & Dominio Episcoporum omnium totaliter in perpetuum exemit*, prohibuitque omnibus Episcopis, & aliis Locorum Ordinariis, nè in *Præpositum, & Fratres jurisdictionem, superioritatem, correctionem, visitationem, aut potestatem aliquam exercere aut Censuras promulgare &c.*, aut alias eosdem *Præpositum, & Fratres Ordinis SS. Sepulchri contra dictum Exemptionis tenorem quovis modo inquietare, seu perturbare auderent &c.*, uti exhibent perspicua verba suæ Pontificiæ Constitutionis in *Summario num. 1.*, verum etiam ut Fratres Ordinis securiori potirentur jure Exemptionis ab Episcoporum potestate, *sub B. Petri, & S. Sedis protectionem illas suscepit, omnesque libertates, & immunitates a Prædecessoribus, & præsertim ab Urbano IV. huic Ordini concessas, autoritate Apostolica confirmavit, ut legimus ex alia Constitutione ejusdem anni 1520., in Summario num. 2.*
4. Sic autem tantis Pontificum Bullis avulsa, demptaque Episcoporum omni jurisdictione in Fratres Ordinis hujus, laudatus ipse Pontifex Leo X. eodem anno 1520. concessit, confirmavitque uni *Præposito Domus de Miechovia plenariam, & omnimodam jurisdictionem in singulas Ordinis Domos, Prioratus, & Ecclesias in ipsis Regnis constructas, ac illorum Personas tam in capite, quam membris visitandi, corrigendi, & puniendi, ac absque Locorum Ordinariorum licentia electiones approbandi, cassandi, ac Dominibus, & Locis Regnorum hujusmodi de Personis idoneis providendi &c.*, ut altera præsertim Leonis Bulla in *Summario num. 3.* Et enim vero, qui usque adhuc electi, & dein a S. Sede confirmati fuere *Præpositi Miechoviae, singuli ii semper Præpositi Generales, Superiores, & Caput Ordinis agniti sunt, semperque liberam, & independentem exercere jurisdictionem in Religiosos Ordinis. Constat id ex innu-*
meris

meris, qui vario tempore explicati sunt à Præposito Miechoviæ, deputationum, & remotionum actibus *Summario num. 4., & 5.* Constat ex Constitutionibus tum Sixti V., tum Urbani VIII., quæ approbantur ejusdem Ordinis Constitutiones, *Summario num. 6., & 7.* Constat ex alia recentiori Bulla Innocentii PP. XI., quæ jurisdictio Reverendissimi Præpositi Generalis, omnesque veteres Bullæ, & maxime Leonis X. confirmantur *Summario num. 8. in princip.* Constat ex multis visitationum actibus multisque Poloniæ Regum, ipsorumque Episcoporum disertis Confessionibus, *Summario num. 9., 10. 11. 12., & 13.* Constat ex Judicatis S. Nunciaturæ, & Responsis S. Rotæ, *Summario num. 14. 15., & 16.* Constat rursus ex Rescripto Particularis Congregationis a Summo Pontifice dein approbato *Summario num. 17.* Constat ex Concordatis anno 1736. stipulatis Clementem XII. inter, & Regem Poloniæ, quibus statutum legitur, quod in *Miechoviensi Præpositura* esse debeat PRÆPOSITUS GENERALIS Ordinis Canonorum Regularium SS. Sepulchri, *Summario num. 18., & constat demum ex Capitularibus electionibus Præpositorum Miechovien. a S. Sede confirmatis, Summario numer. 19., & 20. per tot.*

- 5 Si quis vero ex multis Poloniæ Episcopis aliquando minus prudenter ausit in discrimen adducere Privilegia nostra suæque jurisdictionis facere aliquam Ecclesiam, & Conventum Ordinis, mox a prætensione vacui ceciderunt, majoremque vim adeptæ sunt Apostolica nostra Exemptionis Privilegia. Exemplo quidem est acerrima lis, quam anno 1760. movit *Episcopus Premisliensis*, obtendens, Ecclesiam, & Personas Religiosas S. Spiritus in *Prevorsko* suæ Ordinariæ jurisdictioni subjectas esse. Contentio hæc statim descendit ad Tribunal S. Rotæ, & omnia inibi allata sunt a tum temporis Generali Præposito Exemptionis Privilegia. Nec diu anceps stetit judicium Sacri Tribunalis: Sicut enim compertum fuit, quod *Ordo Canonorum Regularium SS. Sepulchri jamdiu amplissimis munitus fuit privilegiis, & signanter à Celestino II., Innocentio III., Honorio III., Gregorio XI., Bonifacio VIII., Urbano IV., Leone X. quorum vigore ab Ordinaria Episcoporum jurisdictione, universus eximitur Regularis idem Ordo:* verba sunt editæ Decisionis in *Premislien. Præposituræ super Conventualitate* 27. Februarii 1760. §. 12. coram Reverendissimo P. D. Ratta, *Summario dicto num. 15. litt. D.,* ita Sacrum Tribunal disputato dubio = *An constet de Conventualitate Ecclesiæ Parochialis in Prevorsko, seu potius DE ILLIUS SUBJECTIONE JURISDICTIONI EPISCOPALI ETIAM QUOAD PERSONAS in Casu &c.* = bis, & ter-

tio responsum dedit = *Affirmative ad primam partem, ET NEGATIVE AD SECUNDAM*, exceptis iis, quæ respiciunt Curam Animarum, & administrationem Sacramentorum, = ut exhibent laudata Decisio, ejusque confirmatoria dierum 22. Januarii 1761., & 15. Februarii 1762., quibus etiam conformis accessit Rotalis Sententia, Summaria cit. num. 16.

- 6 Quamvis autem decisio hujus controversiæ cum Episcopo Præmisliensi foret Achilles, qui detinere debuisset alios Poloniæ Episcopos a turbando Ordine nostro in suis exemptionis, & jurisdictionis privilegiis; quamvis utroque jure præscriptum sit, *ut Episcopi Viros Religiosos exemptos, & non exemptos charitative trahant, & sua jura, ac privilegia inviolabiliter eis servant, ac alter in alterius injuriam non proficiat, seu jacturam*, velut habetur ex Clementin. unic. frequens, & assidua de excess. Prælat., attamen modernus Reverendissimus Episcopus Cracovien., seu verius Instigator suus Fiscalis (qui non alter est in hac contentione quam irrequietus ille, Ordini quoque suo rebellis *Cyrillus Zachovskij*) non quidem ex zelo Religionis, & pietatis, sed ex parvis odii scintillis tantas nuper attulit injurias Ordini, tantaque inflixit excommunicationis Sententias emeritissimo illius Generali Præposito Matthæo Buidecki Principali, aliisque Conventus Miechovien. Religiosis, ut nec Tribunal A. C., nec Apostolica Nunciatura Poloniæ, sed tantum nuper Eminentissimus Pro-Auditor Sanctissimi suo cum decreto suspensivo Ordinum, & Censurarum omnium relaxat. ab Episcopo valuerit aliquantisper compescere præcipitem illius Curæ rationem.
- 7 Enim vero tanta ab hydra non eriguntur capita, quantæ obmotæ sunt a Fiscali Cracoviensi Lites, & prætensiones, ut Ordo noster vel omnimodam ferret jacturam, vel illam amitteret prærogativam Exemptionis, quam jam obtinuit ex pluribus Pontificiis Constitutionibus quamque jugiter in Contradictorio Judicio vindicavit adversus alios Poloniæ Episcopos. Reque vera ADCITATUS primo est ad Instantiam Promothoris Cracovien. Generalis noster Præpositus, ut coram Officio ipsius Episcopalis Curie compareret, & tamquam usurpator a se dimitteret Titulum Præpositi Generalis, ut ipsa enarrat contraria Commissio; ADCITATUS de quo cum pluribus Ordinis Canonicis nomine tam dicti Promothoris, quam Cyrilli Zachovskij ad comparandum in prædicta Curia, tradendumque decimas quasdam ipsi Cyrillo assertive spectantes, Summ. n. 21. litt. A., & B. ADCITATI deinde sunt alii Religiosi Conventus Miechovien. jamdiu exercentes in Ordine Officium Notariatus, ut se abstinerent ab Officio, & stipulata quævis Instrumenta pro nullis declararen-

rentur, *Summario num. 22.* ADCITRTUS itidem alter Religiosus, qui est Promothor Fiscalis Ordinis, ut *pro usurpato Officio Fiscalatus exemplariter puniretur, processusque formari subjicerentur vitio nullitatis, Summario num. 23.*

8 Age rursus ADCITATI sunt Generalis Præpositus, & alter Canonicus, ILLE, quia Præsidentem Capituli constituerit ad extendendas penas contra Cyrillum Zuchowuski ratione receptionis de Postea quarundam Litterarum, ISTE vero, quia Præsidentem Capituli se jactaverit, institutumque est, ipsos ratione præmissorum puniri &c., *Summario num. 24. litt. A., & B.* ADCITATVS denuo est ipse noster Præpositus ad comportandum Instrumentum Prothonotariatus, alius idem Instrumentum sequestro subjici, *Summario num. 25. litt. A.*; Præterea ADCITATI sunt plures nostri Canonici, ut se præsentarent coram Episcopali Curia, & perhiberent testimonium, quod Matthæus Bujidecki in Fello Pentecostes Missam celebraverit, factaque comprobatione, is pro aperto clavium contemptore declararetur = *Summario n. 26. litt. A., & B.*

9 His, aliisque injuriosissimis Mandatis, seu Citationibus, quarum pleræque exequutæ sunt una, eademque die, & quarum unaquæque secumferebat in casu non partitionis Sententiam latæ excommunicationis, ut ex eisdem Mandatis in *Summario num. 21. ad 26.*, læsa videns Reverendissimus Generalis Ordinis Præpositus Exemptionis privilegia, de m. (licet invitatus) venit ad Tribunal A. C., reportavitque contra Promothorem Cracoviensem Monitorium super observatione, & exequutione præd. Privilegiorum, necnon super mantentione in possessione, seu quasi omnimoda exemptionis a quavis jurisdictione Ordinariorum cum inhibitione, ne interim tum Reverendissimus Præpositus, tum alii Canonici Ordinis sui super enunciatis Mandatis a Fiscali molestantur, ut ex tenore substantiali ejusdem Monitorii expediti die 9 Julii superioris anni 1774., *Summario numer. 27.*: At ferventior inde succensus est ignis. Spretis enim Apostolicis nostris Privilegiis, spretaque inhibitione Tribunalis A. C., NOVÆ rursus, eæque magis injuriosæ per reconventionis viam traductæ sunt in Episcopali Curia prætentiones quoad Curam Animarum.

10 ADCITATUR quippe Generalis Præpositus, quia ad Cong. Decanales condescendere renuit: ADCITATUR etiam ad respondendum certis punctis super negligentia in Cura Animarum, defectibus, scandalis &c.; ADCITATUR idem ad producendum Librum Copulatorum Ecclesiæ Miechovien. sine verificandi partitam pro apocripha reputatam: ADCI-
A 3 TA-

TATUR quoque, ne sub excommunicationis ipso facto incurrendæ Sententia celebret amplius cum usu Pontificalium; Nec satis hæc videntur injuriæ. Publicator die 10. Aprilis currentis anni mandatum Episcopale, quo Confessarii omnes Ecclesiæ Michovien. (nulla indicta, probataque causa) revocantur ab Officio excipiendi Confessiones: utcumque jam concessa illis esset ab eodem Episcopo approbatio, & duraret adhuc impartita licentia, *Summario num. 28.*; Denique vero ipsa die 10. Aprilis Religiosi ferme omnes Conventus Michovien. una cum Præposito eorum Generati declarantur incurssi in excommunicationem, & per valvas Ecclesiarum Poloniæ Cedulones excommunicationis affiguntur, prout patebit ex tenore dd. Citationum, & mandatorum alias allat. cor. Emo Card. Pro-Auditore SSmi, & iterum afferen. in contrar. *Summ.*

- 11 Ut injuriis tantis, & contumeliis frenum aliquod imponeretur, obtenta per nos in vanum fuit ab A. C. Judice Monitorii citatio (specialis pro purgatione Attentatorum, & circumscriptiōe Actorum omnium fact. post præsentatum Monitorium super exemptione, una cum iterata inhibitione, ne quidquam amplius in ea Curia attentaretur, ut patet ex Actis; At quemadmodum oportebat expeditam rei dare medelam, ita coactus fuit noster Præpositus Generalis advo-
lare Varsaviam apud Reverendissimum S. Sedis Nuncium, quo coram adcitato Promothore Cracovien., suisque omnibus expositis juribus, aliquantulum favente justitia recreatus est. Nam Judex ille definitivo suo decreto in Contradictorio Fiscalis edito die 12. Maii nunc elapsi, eadem omnia mandata, Citationes &c. alias attentate, & in spretum auctoritatis S. Sedis emanata suspendit, & Causam ad Judicem A. C. Superiorem inhibentem remisit: Vna simul iterum inhibuit Fiscali Cracovien., ne quidquam contra Recurrentes attentaret, eosque a Censuris omnibus sublevarit, ut ex *Summ. n. 29.*
- 12 Hinc Reverendissimus Generalis Præpositus conscendit ad Superiorem Judicem A. C., nempe R. P. D. Gavottum, coram quo jam Consensum suum præstiterat D. Procurator Fiscalis Cracovien., *Summario num. 30.*, petiitque tum purgationem attentatorum, & circumscriptiōem Actorum omnium in Episcopali Curia Cracovien. factorum in spretum Monitorii super Exemptione, tum novam inhibitionem, ne quid in ea Curia ageretur, neve amplius Religiosi Canonici molestarentur circa exercitiū suorum respective Officiorum; licetque quoad Circumscriptiōem eorum Actorum Judex A. C. remiserit cognitionem Causæ ad Listam Inform. una cum alia super negotio principali Exemptionis, attamen haud juvante acerrima Partis insistētia, petitam denuo decrevit inhibitionem, *Summ. n. 31.*
- 13 Dum vero manus nostræ admotæ erant prosequendæ Causæ
exem-

Exemptionis in Tribunali A. C. ; ubi per consensum ipsius Fiscalis Cracovien., Judicisque Decreta fuerat firmissime contestata, Promothor idem, arrepto sibi nomine aliorum Poloniae Episcoporum, haud trepidavit instantiam porrigere coram Eminentissimo, & Reverendissimo D. Card. Pro-Auditore SS&hi, ad hoc ut circumscriberentur Acta omnia gesta tam coram Nuncio Apostolico, quam coram A. C., & Causa nostrae Exemptionis avulsa ab R. P. D. Gavotto remitteretur vel ad Curiam ipsam Cracoviensem, vel ad Sac. Cong. Concilii, non retardata interim executione Ordinum, seu Censurarum relaxat. a dicta Curia, ut ex tenore impertinentis nimium Instantiae legen. *post contrariam Commissionem*. Sperabat forte ille Promothor, cum personali assistentia sui Cyrilli Causam hanc misere propugnantis, pulverem injicere oculis Sapientissimi Judicis, & maxime obtinere *prætenfam executionem datorum Ordinum*; At spes longe ivit incassum. Nam Eminentissimus Pro-Auditor, rematurius perspecta, facultatem donavit Promothori adeundi Supremum hoc Tribunal quoad punctum *pertinentiae Causae*, at quoad punctum *prætense executionis* mandavit suo decreto *suspendi Censuras omnes USQUE AD EXITUM LITIS*, ut patebit ex Decreto *subtus dictam Commissionem*. Cum itaque hodierna die Promothor Cracoviensis, usurpato etiam nomine aliorum Promothorum, porrigat huic Tribunali Commissionem limitate ad punctum *prætense Avocationis Causae nostrae Exemptionis, a Tribunali A. C., ejusque remissionis ad Sac. Congr. Concilii*, non diffidimus, quin iustissimi PP. eundem Promothorem in sua petitione vacuum dimittant ex promerito Rescripto = NIHIL =, quod humillimis imploramus precibus.

14 Profecto obloqui hic non oportet de *prætenfa* jam executione Ordinum Episcopaliū, quos Eminentissimus Pro-Auditor Sanctissimi merito *suspendit ad exitum Litis*. Nec refutare juvat *prætenfam* olim circumscriptionem Actorum factorum in Tribunali A. C., & in Apostolica Nunciatura Poloniae. Saniori enim consilio nec verbum quidem, nec vola legitur de *præensione* ista in *contraria Commissione*, quæ utcumque concepta videatur fallaci verborum involucro, attamen limitata, & directa *santum* est ad advocandam ab A. C. Causam Exemptionis, ejusque extorquendam remissionem ad Sac. Congregationem Concilii. Jam vero si hæc, & non alia quaestio est, utique quaestio ipsa rite potest decidi, & mox dimitti *contraria Commissio* ex una inspectione facti, quod non abs re summam fuit superius expositum.

15 Quandoquidem cum Causa nostrae Exemptionis introducta fuerit coram A. C. à Mense Julio præteriti Anno ope *Monitorii super observatione, & executione Privilegiorum Apostoli-*

corum, nec non super Manutenzione in possessione, seu quasi
~~omni modo~~ exemptionis à jurisdictione Ordinariorum,
Summario num. 27. Cum præterea nullus dubitet, Exemptionem
 Judicem competentem esse Tribunal A. C., cumque
 Promothor ipse Cracoviensis Adversarius inibi semel, ite-
 rumque præstiterit consensum suum; jamque A. C. Gavottus
 in utriusque Partis conflictu pronunciaverit Decreta, quæ
 proxime tendunt ad rectam definitionem istius Causæ, *Sum-
 mario num. 30. & 31. Litt. A.*, hinc plane sequitur, haud
 posse amplius Fiscalem Cracoviensem aufugere, & declinare
 judicium A. C. Gavotti, cujus legitimam in hac Causa ju-
 risdictionem inelidibili facto suo sapius agnovit, adproba-
 vitque, ad *Text. in Leg. si convenerit ff. de jurisd. omni.
 Judic., Leg. sed et si susceperit ff. de Judic., Roman. conf.
 169. num. 4. in fin., & optimè Rot. dec. 36. num. 29. part. 10;
 & dec. 226. num. 2. part. 11. Rec.*

- 16 Perditissimo autem studio regerit Fiscalis, ablegandam esse
 Causam hanc ad Sac. Congregationem Concilii, quia res sit
 de punctis, & Cathégoriis respicientibus Curam Animarum:
 Hic sane latet error Domini contrarii Defensoris, qui Cau-
 sam unam cum alia commiscere, ordinemque judiciorum in-
 tervertere vellet. At si (prout decet) separetur triticum
 à palea, & res una ab altera secernatur, quisquam ingenio
 suo intelliget, prætensiones Curæ respicientes Curam Ani-
 marum haud quidquam detrahere, & præjudicii ferre Actio-
 ni nostræ institutæ in Tribunali A. C., & respicienti Exem-
 ptionem, seu executionem Privilegiorum Apostolicorum.
 Enim vero Monitorium nostrum super Exemptione exporta-
 tum fuit ab A. C. die 9. Julii 1774. adversus illa Episcopalia
 Mandata ejusdem Anni 1774., quæ nil habebant respectu
 ad Curam Animarum, sed tantum lepidas continebant præ-
 tensiones in Ordinaria Curia promotas ab eodem Fiscali *cir-
 ca* titulum Præpositi Generalis, *circa* Decimas tradendas
 Cyrillo, *circa* ass. usurpationem Officiorum Notariatus, Fi-
 scalatus, & Prothonotariatus, *circa* demum constitutio-
 nem Præsidis Capituli, & prætensum Testimonium nostrorum
 Canoniorum sine declarandi Irregularem Reverendissimum
 Præpositum Generalem, ut relegere est in nostro *Summario
 num. 27. Litt. A.*
- 17 Quoties itaque Monitorium nostrum coram A. C. expeditum
 est adversus Episcopalia Mandata, quæ longe diversa sunt
 ab Animarum Cura, nec quidquam de illa concernunt, uti-
 que nequit se ingerere Sac. Congregatio Concilii; sed unus
 remanere debet Judex A. C., qui cognoscat Exemptionem
 nostram, & spretum temere factum eorum Privilegiorum,
 quibus prohibitum est Episcopis, & aliis Locorum Ordina-
 riis, in Præpositum, & Fratres Ordinis jurisdictionem, su-
 pe-

perioritatem, correctionem, visitationem, aut potestatem aliquam exercere, aut Censuras promulgare, aut aliàs eodem contra dictum Exemptionis tenorem quovis modo inquietare; seu perturbare: verba sunt non inopportune repetenda Leoninæ Bullæ in Summario num. 1. Lit. B. & C.

- 18 Exageret nunc arbitrio suo Fiscalis Cracovien. alia sua Mandata, quæ nonnulla conglomerant pertinentia ad Curiam Animarum, illa sane operari nequeunt avocationem Causæ Exemptionis à Tribunali A. C.; Cum enim dicta mandata, seu Citationes supervenerint longe post expeditum Monitorium coram A. C.; ut combinare est ex data earum Citationum afferent. in contrario Summario, ita posteriores hæ prætensiones, quæ nuper obmotæ sunt à Fiscali per reconventionem, invidiamque nostræ Exemptionis Causæ, licet involvant materiam Conciliarem, nequaquam possunt divellere, & ad se trahere Causam nostram Exemptionis, quæ præventive jam introducta, & per consensum Partis legitime contestata reperitur in Tribunali A. C.; *Novar. de elect., & var. for. sect. 2. quest. 5. n. 2., Calcagnin. in prax. Signaturæ part. 1. observ. 6. num. 13.*
- 19 Firma itaque, & immota persistere debet nostræ Exemptionis Causa in Tribunali A. C.; poteritque Fiscalis Cracovien. suo jure (quod nullus vetat) uti circa puncta pertinentia ad Curiam Animarum. Verum enim verò, quatenus libèret integerrimis PP. omnes hinc, & inde motas Contentiones ad unum, idemque ablegare Tribunal, modus plane se offert, quò rectius omnia componi possent, faciliusque unicuique Litiganti Partii quoad varias eorum prætensiones ius reddi valeret. Siquidem cum (uti supra diximus) pendeat adhuc in S. Rotæ Causa inter Promothorem Fiscalem Curiae Episcopalis Præmisliensis, & Præpositum Generalem nostri Ordinis super prærogativa Exemptionis à quavis Ordinarii iurisdictione, cumque ex singulis, quæ in eo Tribunali allata sunt, Apostolicis nostris privilegiis definitum semel fuerit, non constare de Ordinis subjectione jurisdictioni Episcopali, imo ab ea exemptum esse etiam quoad Personas, ut ex Summario num. 15. Lett. D., & num. 16., hinc in hypothesis, qua divelli vellet ab A. C. Causa Exemptionis, iam nil æquius, nilque sanctius constitui posset, quam eandem Exemptionis Causam cum Promothore Fiscali Cracovien. remittere ad iudicium S. Rotæ Tribunalis, coram quo ipsissimam Causæ speciem, & cum simili Contradictore pendere, compertum est.
- 20 Commissa vero S. Rotæ nostra Exemptionis Causa, planum fit consequens, ut eidem Tribunali committi, & coniungi debeant omnes Episcopi prætensiones respicientes Curiam Animarum, tum quia iam Sacrum Tribunal in decisa exemptionis

nis *Causa cum Episcopo Premisliensi* deliberavit, cognovitque etiam ea, quæ respiciunt Curam Animarum, *Summario num. 16. Litt. B.*, tum quia ipsum Tribunal semper insimul examinat punctum Exemptionis competens. Ordini Regulari, & præteniones Episcoporum quoad Curam Animarum, semperque altercationes hasce dimetiri solet, & dirimere ex uno tanquam principali Exemptionis fonte: Sic enim (cæteris omisis exemplis) servatum fuisse noscimus in acerrimis, nostrisque simillimis Controversiis actis inter Archiepiscopum Burgensem, & Ordinem S. Benedicti: Substinebat *hic*, uti substat Ordo noster, punctum Exemptionis suæ à quacumque Ordinarii iurisdictione: Prætebat *ille*, uti nunc obtendit Episcopus Cracovien., sibi multa pertinere quoad Curam Animarum non obstante generalitate exemptionis; At vix firmata fuit principalior basis Exemptionis favore Ordinis, cùm testatur Decisio *in Burgen. iurisdictionis* 3. *Julii 1713. coram Barbado*, mox quasi in consequentiam coinciderunt omnes Episcopi præteniones respectu Curæ Animarum, veluti perhibent accessoriarum ipsarum Decisiones, *ALTERA* scilicet *super approbatione Vicariorum*, & *iterato examine* 26. *Junii 1715. coram Crispo*, *ALIA* *super Commissione Curæ* dicta die, *ALTERA* *demum super Actibus Parochialibus, jure scilicet instituendi, destituendi, exercendi Curam*, & *Functiones Parochiales sine Licentia Episcopi prædicta die 15. Junii 1715. coram eodem*.

21 Quamobrem si hæ singulæ controversiæ respicientes Curam Animarum, materiamque Conciliarem alias habuerunt iudicium suum in *S. Rota*, & ex uno iurisdictionis, seu Exemptionis fonte diremptæ sunt, parili jure statuendum est, ut simillimarum controversiarum, quas in odium exemptionis nostræ promovit Fiscalis Cracovien., advinice uniri debeant cum Causa exemptionis, & remitti ad *S. Rotam*, ubi ipsa pendere digno scitur cum altero Poloniæ Episcopo, Causa exemptionis. Hicque vere modus est *rectus, prudens, & utilis*. Contentiones enim omnes in diversa discissa Dubia cognoscuntur in uno, eodemque Sacre Rotæ Tribunali: Tollitur quævis implicantia iudiciorum; & denique jus suum redditur unicuique Sanctum, & expeditum.

22 Ex his igitur, quæ diximus in puncto pertinentiæ Causæ, iam contraria Commissio aut dimitti ex iustitia debet cum rescripto = *NIHIL*, = aut in omnem casum cum alio Rescripto = *Ad Rotam quoad omnes*, & *omnia* = Acta itaque contentio hæc est. At si quis vel obiter rescire copiat, quid juris fuerit in Causa nostræ Exemptionis, & in altera respiciente præteniones Fiscalis, cum provocamus ad Seriem Facti, quam late supra exposuimus. Ordinem quippe nostrum fuisse exemptum ab omni iurisdictione, potestate, & dominio Episcoporum

porum omnium, ac immediate susceptum sub protectione S. Sedis, ejusdemque Ordinis *Generalem, Caput, & Superiorem*, cum suprema potestate esse Reverendissimum Præpositum Mich Kovix, evincunt Pontificiæ Bullæ præsertim Leonis X, & Innocentii XI: demonstrat longeva jurisdictionalium actuum observantia, probant Regum, & Episcoporum Agnitiones, confirmant Responsa Pontificia, Sententiæ Nunciaturæ, & Judicata S. Rotæ, ac demum ostendant tum Concordata Poloniæ cum S. Sede, tum etiam generalium Capitulorum confessiones, prout latius in *Summario a num. 1. ad num. 20.* Satis ergo probata remanet exemptio ab ordinaria jurisdictione, satisque probata est Reverendissimi Generalis Præpositi jurisdictio, quoties eam manifestum faciunt tot publica monumenta, quæ nulla sunt exceptione elidibilia, ut in pari casu respondit *Rot. in Conversana jurisdictionis 27 Novembris 1750. §. 3. cum seqq. coram ban. mem. de Vais.*

33 Nec nisi damnatissimo consilio sibi blanditur Promothor Cracovien, in respicientibus Curam Animarum haud operari efficaciam exemptionis nostræ, sed suæ jurisdictioni posse submittere eos Religiosos Curatos, & Confessarios illius *Conventus Miechovien.*, ubi perpetuo resedit, & residet Præpositus noster Generalis, & Caput Ordinis. Scimus equidem, huc, & non alio ferire quotquot exequutæ sunt à Fiscali Promothore Citationes, & mandata circa exercitium Functionum Parochialium, exceptionem Confessionum, iteratum examen, assertorque defectus in Cura Animarum, ut relegere quisque poterit *in eodem contr. Summario*. Scimus, & Ordini nostro, ejusque laudatissimo Præposito, cui uni tamquam Capiti Cura esse debet Quivum suarum, acerbior, rem infligi nequivisse injuriam, atque jacturam. At cum Causa venerit ad examen, plane intelliget, intelligatque ex nunc Fiscalis ille, aerem verberare, dum studiosa tantarum Citationum agglomeratione suæ jurisdictionis facere contendit Religiosos Canonicos ejusdem *Conventus Miechovien.* sis. Scire enim oporteat (quod forte dissimulant Contradictores nostri), quod ab Episcopi jurisdictione, visita-
tione, & correctione ETIAM IN HIS, QUÆ AD ANIMARUM CURAM, ET SACRAMENTORUM ADMINISTRATIONEM SPECTANT, excepti sint tam Sæculares, quam Regulares, qui Animarum Curam exercent in iis Monasteriis, sed Locis, in quibus ABRATES GENERALES, AUT CAPITA ORDINUM SEDEM ORDINARIAM PRINCIPALEM HABENT=veluti per hæc aurea verba sancivit æternæ me. Pontifex Benedictus XIV. in Sua Constitutione Anni 1744., quæ incipit = *Firmandis* = §. 2. & 13.

34 Quisquam ex his utcumque breviori calamo recitatis ingenio suo comprehendet, quid juris fuerit, cum Causa nostræ exemptionis

ptionis, & prætensiones Fisco Cracovien. ad maturius descendendum iudicium S. Rote. At equid hæc? Contentio sane nostra non alia est, quam de pertinentia Causæ Exemptionis; Diximus vero jam, Causam hanc ita legitime, & cum Partis consensu contestatam reperiri in Tribunali A.C., ut nulla ratione possit advocari, & remitti ad S. Congregationem Concilii. Quoties autem non libeat Reverendissimis PP., ut hæc Causa remaneat coram A.C., contrariæ vero prætensiones agi debeant in alio Tribunali, *modus unus retinendus est, qui videtur in hacce Contentione rectus, utilis, & prudens*, ut nimirum Causæ omnes hinc, & inde motæ Committantur in *statu*, & *terminis* uni, eidemque Tribunali S. Rote, velut iterum nomine Reverendissimi Generalis Præpositi, totiusque Ordinis sui Votis exoramus insensissimis.

Quare &c.

Dominicus Franci.

Congreg. Signaturæ Justitiæ

R. P. D.

M A G N A N O

Cracovien. Exemptionis super pertinentia Causæ.

P R O


Rmo D. Matthæo Buydecki Præposito
Generali RR. DD. Canonicorum
Regularium Ordinis SS. Sepulchri.


C O N T R A

Rev. D. Promothorem Fiscalem Curie
Episcopalis Cracovien.

~~~~~ S ~~~~~  
*Facti.*

~~~~~ 8 ~~~~~  
Typis Bernabò 1775.





P. P. DOM KSIĄŻKI
— ANTYKWARIAT —

* 008290



stdr0022383

Biblioteka Jagiellońska

